



ज्ञाजलपा बाह्यो

JWOJALAPA NEPALBHASA WEEKLY

दैं ६ ल्याः ३७ (पूर्णडक ८९) ने. सं. ११३६ चिल्लागा एकादश आइतवाः २०७२ चैत्र २१ गते आइतवार (Apr- 03, 2016)

मू ८।-

थारु पत्रकार संघया दिवसय् संविधानया बारे तिव्र बहस

जनजातिया अधिकार दु या मद्दु धइगु बारे थःथःगु दावी



नेपाःया आदिवासी जनजातिया धलखय् दुय्यानाच्वंगु थारु समुदायया पत्रकारतय्गु संगठन थारु पत्रकार संघया न्याक्वःगु दिवसया लसताय् जूगु ज्याभवलय् न्हूगु संविधानया सकारात्मक व नकारात्मक पक्षया बारे तिव्र रुपं बहस जूगु दु । शनिवाः जूगु ज्याभवलय् मूपाहां पुलांम्ह सभामुख

सुवासचन्द्र नेम्वाङ जारी जूगु संविधान तसकं उत्कृष्ट खः धकाः दावी यानादीगु खः ।

अथे हे वय्कलं थःगु हे कृतलं जारी जूगु संविधान धइगु विश्वय् हे उत्कृष्ट कथंया समावेशी संविधान जूगु दावी यानादिसं थारु, मधेसी, आदिवासी जनजाति, दलितत सकलसिनं संविधान जारी यानादीगु खः

धयादिल । वय्कलं जारी जूगु संविधानयात संशोधन यायां हे मगाः मचाःगु अधिकार स्थापित यायेफइगु अवस्था दु धकाः तसकं धयादिल । वय्कलं आःया संविधान धइगु सहमतिया दस्तावेज खः धयादिसं संविधान जारी जूगु हे तःधंगु उपलब्धी खः धयादिल । न्हूगु संविधानया कार्यान्वयन व थारु समुदायया

मुद्दायात कया थःगु नुगः खँ प्वकेंगु भवलय् उगु नेपाल पत्रकार महासंघया केन्द्रीय दुजः नापं थारु पत्रकार संघया पुलांम्ह नायः लक्की चौधरी जारी जूगु संविधानपाखें थप अधिकारया नितिं सचेत जुया न्ह्याः वनेमाः धकाः वः वियादीगु खः । अथे हे आदिवासी जनजाति पत्रकार महासंघया दांभरी टेकराज थामीं

जारी संविधानपाखें जनजाति नापं उत्पीडित समुदायया अधिकार स्थापित जूगु दावी यानादिल ।

थीथी संचार माध्यमया पत्रकार नापं पत्रकारतय्गु संगठनया प्रतिनिधित सहभागी जुयादीगु ज्याभवलय् नेवाः पत्रकार राष्ट्रिय दबूया केन्द्रीय नायः श्रीकृष्ण महर्जनं जारी जूगु

संविधान धइगु अन्तरिम संविधानसिवें प्रतिगामी खः धयादिसं जाती, भाषाया ल्याखं उत्पीडित समुदायया हक अधिकार विहिन याना विउगु दु धयादिल । न्हय्गु प्रदेश मध्ये छगू प्रदेश बाहेक वय्कलं जारी जूगु संविधानं नेवाः, थारु नापं आदिवासी जनजातिया बाहुल्यता मदइगु कथंया प्रदेश निर्माण याःगु खँ न्हयथसं आः संविधान कार्यान्वयन याना प्रदेशया चुनाव जुल धाःसा अनं लिपा गुगु नं हालतय् संविधान संशोधनपाखें हक अधिकार स्थापित याये मफइगु जुया आः हे आन्दोलनया माध्यमं अधिकार स्थापित यायेमाः धयादिल ।

ज्याभवलय् पत्रकार लक्की चौधरीया हसौनी नांगु थारु भाय्या चुट्कीला सफू मूपाहां नेम्वाङ विमोचन यानादीगु खः ।



RARAHIL
MEMORIAL SCHOOL
राराहिल मेमोरियल स्कूल

"Be Smart.
Be Good!"

Kirtipur-11, Kathmandu, Ph. No.: 014-330121, 4331248, 4331249,
Email: rarahil@mail.com.np, Website: www.rarahil.edu.np

ADMISSION OPEN

Play Group to Grade VIII

Academic Session 2073 (2016/17)

Salient Features:

Play-way and whole brain teaching and learning

Computer lab and internet facility.

Audio- Visual teaching and learning classes.



Multi -sport facilities and children park. (future plan)

Music, dance, art and sports activities and field trips

Biology, chemistry and physics labs

Health care facility

Form available @ Rarahil Administration, Contact Rarahil Memorial School, Kirtipur-11, Chhugaon. Date of Entrance test: 22,23,29 Chaitra, 2072

Contact No.: 4330121 or 9841464230, 9841739566, 9841653785. 100% Successful S.L.C



ज्वजलपा वाश्यो

सल्लाहकार
श्रीकृष्ण महर्जन
प्रकाशक:

नजरराम महर्जन
सम्पादक

श्रीकृष्ण तण्डुकार
ले-आउट:

ज्वजलपा डेस्कटप
संवाददाता

भरत महर्जन, निरजमान सिंह
थाकू

प्रिन्ट स्काई, यें

ज्याकू: निखासी त्वा: किपू नपा-३

फोन ल्या: ४३३३००७, ९८४१४०१०७७

ई-मेल : kirtipursandesh@live.com

सम्पादकिय

किपुली शहिद दिवस

किपूमित वहादुर धका: तसकं नांजा:पिं ख: । २५० दै न्ह्य: गोर खाया जुजु पृथ्वीनारायण शाहयात निक्वतक बुका: स्वक:या पालयतिनि जालभेल याना: त्याकेत ता:ला:गु ख: । नेपा:या दकल्य त:धंगु विश्व विद्यालय त्रिभुवन विश्व विद्यालय तयेत जग्गा अधिग्रहण या:बल्य नं सु मिसा, सु मिजं जाना: विरोध या:गु हे ख: । त्रि.वि. तयेकेमा: धा:पिं गुलि मनूतयत गामं पितना छव:गु नं दु । किपूया सनां गुथित नापं त:ज्यागु ख: । न्ह्याक्व विरोध या:सां मुआब्जा हे मब्यूसे जवरजस्तीं जग्गा अधिग्रहण याना काल । अफतक नं त्रि.विं अन्याय यात धइगु भावना किपूमितयके द हे दनि ।

किपूमित पंचायती व्यवस्थाया विराधय सुरुनिसें लगय जुयाच्वंगु ख: । २०४६ सालया जनआन्दोलन शिथिल जूल धा:गु इलय चैत्र २० गते किपूया ल्यायमहतसैं जुलुस पिकाल । जुलुसय ब्वतिका:पिं मनूतयत पुलिसं ज्वना यंकूबलय किपूमितसैं थाना घेराउ या:वन । उगु हे इलय पुलिसया गोलिं लाना: किपूया प्यम्ह कायमस्त राजेन्द्र महर्जन, राजमान माली, हिरावहादुर महर्जन व लनवहादुर महर्जन शहादत जुल । अनलि किपू दे हे दना:वया किपूयात मुक्त क्षेत्र घोषणा यात । गुकिया प्रभाव मेमेगु थासय नं आन्दोलन त:चवल । आन्दोलन सफल जुल ।

वहे दियात लुमंका: किपुली दैयदसैं चैत्र २० गते शहिद दिवस धका: हना: वयाच्वंगु दु । सरकारं फागुण ७ गतेयात शहिद दिवस धका: हना: वयाच्वंगु दु । किपूया शहिदपिं किपूया जक शहिद मखुसे नेपा:या हे शहिद ख: । तर सरकारं वास्ता मया:गुलिं किपूमितसैं थ्व दियात लुमंका शहिद दिवस धका: हना: वयाच्वंगु ख: ।

साहित्य/चिनाखं

हाईकू शौरभ शाक्यया

शौरभ शाक्य

खप

३१. मचां तुंक सव
न्हिल वया म्हुतुसि
मचां सास:ल्ट्व ।
३२. देश कांथें खूँ
जनता नुग:कंहा
अभाव कासाय ।
३३.पा:गु सुइत
देश थ्यना थ:दैपिं
पयाकाधौया जा: ।

३४. सत्ताया फसि
जनता अथें गंसि
नेतात तसिं ।
३५. प्वक्तां थौं नुग:
थातं मच्चन आस
भिक्कां लकस ।
३६.विं विं न:गु लं
सविधान चिरिक
फिये मलाक ।

न्हूगु संविधानय भीगु असहमति छु ?



राजेन्द्र श्रेष्ठ

ल्यू नाय: ससफो नेपाल

३५. धारा २८६ (५) : निर्वाचन क्षेत्र निर्धारण यायेबलय जनसंख्या व भूगोलयात प्रतिनिधित्वया आधार दयेका: उज्व:गु निर्वाचन क्षेत्रया भूगोल, जनसंख्या व सदस्य संख्यादथुया अनुपात यथासम्भव समान जुइकथं निर्धारण यायेगु व्यवस्था दु ।

थुकी भूगोल छु एकाईयात माने यायेगु धैगु खँ स्पष्ट महु । संघीय व्यवस्थाय निर्वाचन क्षेत्र निर्धारण यायेबलय प्रदेशयात भूगोल माने याना: जनसंख्याया आधारय सिट बाँडफाँड यायेगु व फर क पहिचान व विकट भौगोलिक अवस्थितियात क:घायेत स्वायत्त क्षत्र, संरक्षित क्षेत्र नापंया विशेष संरचना निर्माण याना: प्रतिनिधित्वया व्यवस्था यायेमा: । एकात्मक राज्यया पुलांगु प्रशासनिक जिल्लायात थुकी आधार दयेके मज्यू ।

३६. धारा ३०६ (ट) : संघीय एकाइ धायेबलय संघ, प्रदेश व स्थानीय निकाययात थुइकीगु व्याख्या यानात:गु दु । थ्व व्याख्या भ्रमपूर्ण जुयाच्वंगु दु । संघीय एकाइ धायेबलय प्रदेशत ख: धैगु स्पष्ट व्याख्या जुइमा: । प्रदेशया विरुद्ध स्थानीय निकाययात छयलीगु दुरासयया अन्त्य जुइमा: । थुगु परि भाषा खण्डय समानुपातिक समावेशी धायेबलय सम्बन्धित जाति/समुदायया

जनसंख्याया अनुपातयात थुइकेमा: धैगु परिभाषा थप यायेमा: ।

थ्व दथुइ २०७२ माघ ९ गते नेपाली कांग्रेसया पहलय या:गु २ बुँदे संविधान संशोधनय नं उत्पीडित जाति/समुदायया माग सम्बोधन यानात:गु महु । इमिसं २०६२/६३ सालया जनक्रान्तिया जनादेशयात कार्यान्वयन हे मया:से एकपक्षीय रुपं संविधान जारी या:गु जक मखु एकपक्षीय रुपं संविधान संशोधन नं या:गु दु । उगु संशोधनय जिमिगु मू मागया रुपय च्वंगु पहिचान नापंया संघीयता, स्वशासनया मान्यता अनुरूप प्रदेश निर्माण, जाति/समुदायतयगु सघनता कुचा मजुइगु कथं सीमांकन, अधिकार क्षेत्रया बाँडफाँडथें जा:गु मागतयके संशोधनय दुहां हे वंगु महु ।

थन संघीयताया नामय नं गोर्खा राज्य विस्तारलिपा पलिस्था जूगु एकल जातीय व नशलीय सत्तायात हे निरन्तरता बिइगु जक मखु, ७ गू विना नांया प्रदेश दयेका: नशलीय सत्तायात हे विस्तार व सुदृढीकरण यायेगु ज्या जुल । अथेहे जिमिसं ल्त्वनागु राज्यया प्रत्येक अंग, तह व निकायतयके समानुपातिक समावेशीकरणया सन्दर्भय २ बुँदे संशोधनं सामाजिक न्यायया धारा ४२.१ य समानुपातिक शब्द थप या:सां नं १५ गू क्लस्टर दयेका: कार्यान्वयन हे जुइमफइगु दयेकूगु दु । उलि जक मखु संविधान संशोधनया नामय सामाजिक रुपं ल्यूने ला:गु धा:गु थासय आर्थिक, सामाजिक वा शैक्षिक दृष्टिं ल्यूने ला:गु धैगु शब्द थप याना: भन् कार्यान्वयन मजुइगु स्थिति दयेकूगु दु ।

शैक्षिक रुपं ल्यूने ला:गु मिसा, मधेसी, आदिवासी जनजाति आदि धायेबलय उकिया मापदण्ड छु ख: ? छु

समानुपातिक समावेशीकरण पियन व परिचरतयके जक यायेगु ख: ? थथे न्हापा हे अभ्यासय वयेधुकूगु समानुपातिक समावेशीकरणया अभ्यासयात संशोधनया नामय भन् विकृत दयेकूगु दु ।

अथेहे जनसंख्याया आधारय निर्वाचन क्षेत्रया निर्धारणया सन्दर्भय नं इमिसं एकात्मक राज्यया ७५ गू जिल्लातयत हे निर्वाचन क्षेत्र निर्धारणया आधार दयेकूगु दु । असोज ३ गते जारी या:गु संविधानय ३ दलदथुइ प्रदेशयात भूगोल माने यायेगु कि जिल्लायात माने यायेगु धैगु विवाद ज्यंके मफूगु हुनि मुक्कं देसयात १६५ गू निर्वाचन क्षेत्रय ब्वथलेगु खँ न्हयथंसां आ: कुचा या:गु निगू जिल्ला तकं ७७ गू जिल्लाय न्यूनतम १ सिट कायम याना: ल्यंदूगु सिट जक समानुपातिक रुपं बाँडफाँड यायेकथं संविधान संशोधन या:गु दु ।

जिमिसं प्रदेशयात भूगोल माने याना: प्रदेशया जनसंख्याया आधारय सिट बाँडफाँड यायेगु व फरक पहिचान व भौगोलिक विकटता जूगु थासय विशेष संरचना दयेका: वनेफइगु विकल्प बियागु ख: । तर संविधान संशोधनं जिमिगु माग सम्बोधन मया:गु जक मखु प्रदेश दुनेया प्रत्येक जिल्लाय न्यूनतम १ सिट कायम यायेकथं या:गु संशोधनं संघीयतायात नामय जक सीमित यायेत्यंगु स्पष्ट जूगु दु ।

अथेहे वैवाहिक नागरिकता, बहुभाषिक नीति, राष्ट्रिय सभाया संरचना, संघीय न्यायपालिका, स्थानीय निकायत प्रदेशया मातहत जुइमा:गु, बहुराष्ट्रिय राज्य आदि मागतयगु नं सम्बोधन जूगु महु । उकिं याना: समस्यां निकास काये खनाच्वंगु महु । उत्पीडित वर्ग व समुदायया युगौ युगानिसंया उत्पीडनपाखें मुक्तिया चाहना पूर्वगु महु । उकिं जनताया आन्दोलन जारी दु । राजनीतिक क्रान्ति जारी दु ।

क्वचाल

‘मृत्यु सैयां ह्व:गु स्वां’ निगूगु संस्करण पिदन



लोककवि राजभाई जक:मि च्वयादीगु, म्येहालामि रिता महर्जनं हालादीगु व महुम्ह संगीतकार/कलाकार विष्णु सक्कं थ:गु जीवनया अन्तिम इलय लय चिनादीगु म्येचा: ‘मृत्यु सैयां ह्व:गु स्वां’या निगूगु संस्करण पिदंगु दु ।

धर्मकीर्ति विहार श्रीघलय विहवा: सुथय जूगु छगू ज्यभवलय उगु म्येचा:या निक्व:गु संस्करण पिदंगु ख: । बुद्ध पूजा कमिटी धर्मकीर्ति विहारया ग्वसालय व महुम्ह उपासिका दिलशोभा बानियाँया लुमन्तिइ धर्मदान कथं नीन्यास:गू सिडि पिदंगु ख: ।

थौया ज्यभवलय ज्यभव:या कजि व दाता अष्टमान सिं वानियाँ व छँज:पिं ख:सा ज्यभवलय पाहाँकथं बौद्ध उपासक धनवहादुर नक:मि भायादीगु ख: । बौद्ध उपासिका नांजा:मह च्वमि रीना बानियां न्ह्याकादीगु ज्यभवलय लोककवि राजभाई जक:मि व म्ये हालामि रिता महर्जनयात खादा न्ययेका: हंगु ख:सा वयक:पिन्त सुमंगल पौ भिक्षुणीं धम्मावती गुरुमां नं ल:ल्हाना: विज्या:गु ख:।

उगु ज्यभवलय लोककवि जक:मि मृत्यु सैयां ह्व:गु स्वां म्येचा: महुम्ह कलाकार संगीतकार विष्णु सक्कं थ:गु जीवनया अन्तिम इलय त्व:ता: थकूगु कृति जूगुलिं वयक:या दु:खद ईया लुमन्तिइ मृत्यु सैयां ह्व:गु स्वां धका: नां छुनागु नुग: खँ च्वकूसैं उगु हे म्येचा: दुने दूगु छपू म्ये ब्वना: न्यंकादीगु ख:सा अथेहे म्ये हालामि रिता महर्जनं नं उगु सिडीया छपू म्ये हाला: न्यंकादीगु ख: । ज्यभवलय भिक्षुणीं धम्मावती गुरुमां नं धर्मदेशना बिया: विज्या:गु ख:।

इसास किपूपाखें सांस्कृतिक श्रद्धाञ्जली

किपुलिइ हना वयाच्चंगु सहिद दिवसया लसताय् चैत्र २० गते थीथी ज्याभ्वः याना वयाच्चंगु दु। थ्व हे भ्वल्य इन्द्रेणि सांस्कृतिक समाज (इसास) किपूपाखें शनिवाः सांस्कृतिक श्रद्धाञ्जली देछात। इसासया नायः वीरप्रसाद भन्सारीया नायःसुइ जूगु उगु ज्याभ्वल्य इसासया न्वकू दिलिप महर्जनं लसकुस न्वचू बियादीगु खः।

उगु ज्याभ्वल्य पाहां कथं सहिद परिवारपाखें सहिद राजेन्द्र महर्जनया अबु इन्द्रलाल महर्जन, सांसद श्याम श्रेष्ठ, सांसद नापं



जन कलाकार जेवि टुहुरे, संगीत नाट्य एकेडेमिया दुजः प्राज्ञ माधव प्रधान व एकीकृत माओवादी किपू नगर संयोजक शम्भुराम महर्जन सहभागी जुयादीगु दु।

सांस्कृतिक ज्याभ्वः याःगु उगु समरोहलय् सांसद श्रेष्ठ, प्रधान व शम्भुराम महर्जनं शहिदपिनिगु योगदानया वारे चर्चा यानादीगु खः। ज्याभ्वल्य स्नेह सायमि, लक्ष्मी मालीपिन्सं थःथःगु चिनाखें न्यंकादीगु खः। अथे हे राराहिल मेमोरियल स्कूल, मंगल उच्च माविद्या विद्यार्थीपिन्सं म्ये व हुला प्याखं न्ह्यव्यादीगु खः। उगु हे कथं इसासया कलाकारपिन्सं नं म्ये हालेगु व प्याखं ल्हुइगु यानादीगु खः। मङ्गल स्कूल जूगु ज्याभ्वः रेखा भन्सारी न्ह्याकूगु खः।

चैत्र २० गते किपुली शहीद दिवस हन



एकदलिय पंचायती शासन विरुद्ध जूगु २०४६ सालया जनआन्दोलनय् पुलिसया गोली लानां किपुली प्यम्ह ल्याय्महिपिं शहीद जूगु खः। उगु हे दियात लुमंका किपुली दैयदसं चैत्र २० गतेयात शहीद दिवसया रुपय् हनाः वयाच्चंगु दु। थ्व दिवस हनेत शहीद स्मृति व्यवस्थापन समिति नापं नीस्वनातःगु दु।

मिहगः सुथय् खासी बजारय् च्वंगु शहीद प्रतिमा स्थलय् सकलें मुनाः शहीदतय्गु भवाताय् स्वांमालं क्वखाय्का श्रद्धाञ्जली सभा जुल। शहीद स्मृति व्यवस्थापन समितिया नायः नारायण महर्जनया नायोसुइ जूगु उगु सभाया मूपाहां सभासद राजेन्द्र कुमार के.सि. जुयादीगु खः। सिद्धि कुमार मानन्धर न्ह्याकूगु उगु सभाय् निवर्तमान नायः विकास महर्जनं लसकुस न्वचू बियादीगु खः।

शहीदपिन्सं गुगु प्रजातन्त्रया लागि थःगु ज्यान अर्पण याःगु खः अझ नं इमिगु म्हास पूमवनीगु धकाः मूपाहां सभासद के.सि. नापं सकल वक्तापिन्सं धयादीगु खः। तसकं चीहाकलं न्ह्याकूगु उगु श्रद्धाञ्जली



सभा लिपा याली याना किपू पांगाया थीथी थासय् चाहुलाः नगामय् थ्यंका क्वचायेकूगु खः।

उगु याली थीथी स्कूल, कलेज व छुं छुं सहकारी संस्थात नापं गैर सरकारी संस्थातसैं नं ब्वति काःगु खः। मिहगः सनिवाः जुयाला छु थें न्हापा न्हापाथें यक्व मनूतय्गु सहभागीता खनेमदु।

शहीद प्रतिमास्थल दुगु पुखुयात पुखू हे याना बांलाकेगु धकाः अन लिक्कच्वंगु च्या पसःया फुसय् छगू फ्लेक्स बोर्ड खायातःगु खनाः जि अजूचाया। उकी लखंजाःगु बांलाःगु पुखुया फ्लेक्स बोर्डय् खासी बजार पोखरी पुनः निर्माण धकाः च्यातल। तर वहे पुखुली छें पियाःवःगु चा धमाधम बांछवया च्वंगु खनाः। आः पुखुया नामं छकूचा जक ल्यंदनि मखुसा पुखु ल्हा हे ल्हाइन। ल्हाय्थंकेगु पुखुया छःने हानं पुखु दयकीगु खःला या चा बांछवया दयेकीगु खः। ल्हानाच्वंगु पुखुया चा बांछवयेगु खःसा दोकय् तयाः पुखुली छाया चा बांछवयेका च्वन। अनदुपिं मनूतसैं मिहगः अप्रिल फूल मानय याःगु जुई धकाः ध्याचू नकेगु यात।



आवश्यकता

यस संस्थाको लागि देहाय वमोजिमका कर्मचारीहरु आवश्यक भएको हुदा, ईच्छुक नेपाली नागरिकहरुले आफ्नो योग्यताको प्रमाण पत्र तथा वायोडाटा सहित यो सूचना प्रकाशित भएको मितिले ७ दिन भित्र आवेदन दिनुहोला ।

| क्र.स. | पद | संख्या | योग्यता | कैफियत |
|--------|------------------|--------|---|--------|
| १ | कार्यक्रम संयोजक | १ | स्नातक तह वा सो सरह र कम्प्युटरमा दक्ष | |
| २ | लेखा/प्रशासक | १ | व्यवस्थापनमा स्नातक तह वा सो सरह र कम्प्युटरमा दक्ष | |
| ३ | सामाजिक परिचालक | २ | +२ र कम्प्युटरमा दक्ष महिला /पुरुष | |
| ४ | कार्यालय सहायक | १ | साधारण लेखपढ | |

सामुदायिक विकास समाज, नेपाल

हाललाई विपद व्यवस्थापन समितिको कार्यालय,

की. न. पा. १२, पांगा, (आयुर्वेद हेल्थपोष्ट)

email: cds.nepal16@gmail.com

Career Opportunity

Shemrock Simrik Int'l Pre-school, chain of pre-school of shemrock Delhi No 1 preparatory school announces following vacancies

1. Grade Teacher - 1 class 1
2. Grade Teacher- 1 SKG
3. Grade Teacher- 1 Play Group
4. Dance Teacher 1

young and energetic candidates with expericed dreaming ECEC & ECD trained are requird.



**Shemrock
Simrik**

Int'l pre-school

Kirtipur -17 Bahiri Gaun
Tel :-4330646, 9841353526

ज्याथीम्ह पत्रकार कर्णजीतयात हन

नेवा: पत्रकार राष्ट्रिय दबूया ज्याथीम्ह ७२ दँ दुम्ह काभेया सक्रिय पत्रकार रमा कर्णजीतयात शनिवा: छगू ज्याभ्व:या दथुइ हंगु दु ।

एस टेलिभिजनय् संचालन जुयाच्वंगु शुभ कामना नांगु ज्याभ्व: ५५ व्व थ्यंगु लसताय् ज्याभ्व:या कजि प्रेरणा शाक्यया सभापतित्वय् जूगु ज्याभ्वलय् पत्रकार कर्णजीतयात हंगु ख: । यँ महानगर पालिका हनुमानध्वाखा ज्याभ्व:या प्रमुख नरेन्द्रविलास बज्राचार्य मूपाहां जुयादीगु ख: ।

ज्याभ्वलय् मूपाहां बज्राचार्य, पुलांम्ह मन्त्री तिर्थराम डंगोल, न्हूदँ समारोह समितिया नाय: डा. महेशमान श्रेष्ठ, ज्यापु महागुथिया नाय: राजभाई जक:मि, नेवा: पत्रकार राष्ट्रिय दबूया नाय: श्रीकृष्ण



पत्रकार कर्णजीतयात हनापौ ल:ल्हानाच्वंगु लू । क्पिा: रेखा शाक्य

महर्जन नापं सम्मानित जुयादीम्ह पत्रकार कर्णजीत नापं थीथी ब्यक्तित्वपिन्सं न्वंवानादीगु ख: ।

किपुलिइ त:मुँज्याया नितिं भाला क्व:छित



नेवा: पत्रकार राष्ट्रिय दबूया वइगु बैसाख ११ गते किपुलिइ जुइत्यंगु केन्द्रिय त:मुँज्याया नितिं शुक्रवा: व्यवस्थापन क्व:या मुँज्या च्वना: थीथी ज्याया भाला क्व:छयूगु दु ।

नेवा: पत्रकार राष्ट्रिय दबूया केन्द्रीय नाय: श्रीकृष्ण महर्जन पाहां जुयादीगु किपूया नेपालभाषा एकेडेमिइ जूगु उगु मुँज्यां जिल्ला समन्वयया भाला

केन्द्रिय न्वकू नृपेन्द्रलाल श्रेष्ठलिसें मीरा राजभण्डारी अमात्य व अभिनव जोशीयात विल । ब्यूगु दुसा सुचं डेस्कया भाला यँ जिल्लाया स्वम्ह न्वकूपिं रेखा शाक्य, बिराजकाजी र ।जोपाध्याय, रत्नकाजी महर्जन, यँ जिल्ला छ्यान्जे प्रजित शाक्यया नापं राज्यरत्न बज्राचार्य अले किच: सिं ज्यापुयात विल । पिने जिल्लां वइपिन्त च्वनेगु बाय्पा भाला ज्ञानकुमार महर्जन,

रामभोला महर्जन व नवीन जोशीयात अले नसावँसाया भाला ज्ञानबहादुर महर्जनयात विल । नजरराम महर्जन, जितेन्द्र महर्जन व सरीता महर्जनयात सांस्कृतिक भाँकी व न्यालीया भाला ब्यूगु दु ।

मञ्च व्यवस्थापनया ज्याया नितिं नजरराम महर्जनयात कजि ल्य:गु दुसा प्रकाशनया कजि कथं सुरेन्द्रभक्त श्रेष्ठयात ल्यल । स्वास्थ्य जुजुमान महर्जन,

यातायातया ज्या जितेन्द्र महर्जन व सुरक्षा नवीन जोशीया भालाय् ला:गु दु ।

मुँज्याय् व्यवस्थापन क्व:या कजि लिसें दबूया यँ जिल्ला नाय: नातीकाजि महर्जनं त:मुँज्या त:जिक ता:लाकेत थवंथवय् जाना: सकसिनं थ:थगु पक्षया ज्यायात कताक्क यायेत इनाप यानादिल । मुँज्या यँ जिल्ला नाय: महर्जनया सभानाय:सुइ किपुलिइ जूगु ख: ।

जिगु मनय् धौबजि वालाच्वंगु खँ



कवि राम महर्जन

नगां, किपू-१६

इतिहासय् नां दरे जूगु देय् ख: किपू । किपू छगू शहर जुया नं गां थें जुईका च्वपिं भी किपुमित । नेपालय् राजनैतिक ह्यूपा: हय्त अग्रपंक्ति च्वना ज्यानया परवाह मत:से गहन भुमिका भ्हिता वयाच्वपिं ख: । दुर्भाग्यवस थ:गु किपू देय् सरकारया वजेठं न्ह्यने वढे जुइ मफया च्वनापिं । न्यय्दँ खुइदँ न्ह्य:निसें राजनीति लगय् जुयाच्वपिं गुलिं स्वर्गवास जुया वने धुंकल ।

न्हापांगु जनआन्दोलनय् भी किपूया कायमचात प्यम्ह सहादत प्राप्त जुया दिल प्रहरीया गोलिं कया: । सहिद परिवारपिन्त सर कारं अफतक नं खास व्यवस्था याना बिउगु खनेमदु । मर्चानिसें राजनीति यानाच्वपिं राजनैतिक कार्यकर्तात नं अधबैसे अवस्थाय्

थ्यने धुंकल नं सुं छम्ह सत्ताय् थ्यंके मफुनि । (दिलीप महर्जन छम्ह बाहेक)

थ्व फुक्कया छगु हे कारण ख: कि गैर नेवा:या ल्हातय् जक राजकाज लानाच्वंगुलिं ख: । नेवा:या ल्हातय् सत्ता ला हे मला:नि अले वने फैगु गनं ? (मरिच मान सिंह श्रेष्ठया ल्हातय् छक: ला:गु ख: व नं अनिकाल अवस्थाय्)

भी नेवा:त गैर नेवा:या आदेश पालन कर्ता जक जुया वयाच्वंगु दु । न्ह्याबलें गैर नेवा:या दलय् च्वना उमिगु भण्डा ज्वना: ब्वाय् जुइगु ज्याय व्यस्त जुया च्वनी । थ:गु हे ब्यागलं पार्टी मरुपिं अले मेपिनि वाउचा जुया वनेगु बाहेक मेगु लैपु हे मरुपिं जुया अथे जुयाच्वंगु ख: । अथेजुया नेवातय् ब्यागलं पार्टी खोले याय्माल । थुकिया लागि भीपिं यँ, यल, ख्वप नापं किपूमित व नेवा: गां गांपतिं सकलें छप्यं छधी जुया निर्वाचन आयोगय् दल दर्ता याय्माल कि मखुसा नेपा: राष्ट्रिय पार्टीयात हे नेवा:या दल मानेयाना सकलें छप्यं जुया

वनेमाल । थ्वहे नेवा:तय् भीगु पार्टी दय्का गथे थहां वनेफै ? यदि भी नेवा:त गैर नेवा:या पार्टी हे च्वना च्वनेगु ख:सा भीपिं जक मखु भी काय्, छय्पिं तक नं गैर नेवा:या वाउचा व मैचा क जुया च्वनेमालीगु ख:सा थ:पिं हे शक्तिशाली मेचय् च्वंवनेगु ला संभव हे मदुधा:सां जिउ । पृथ्वी नारां नं भी नेवा: जुजुपिन्त लडाईं ल्वाना त्याका पितिना छ्वया र ।जकाज थ:गु ल्हातय् लाकाका:गु ख: । धासा भीपिं जक गैर नेवा: सत्ताधारीतय् लिउ लिउ च्वनाच्वने मा:गु छाय् ? भीपिं नं थ:गु हे ल्हातय् शक्ति उदय याना थ:गु तुतिं दने फय्कीगु मतिं तया: वृहत छलफल न्ह्याका वन धा:सा छहू सफल अवश्य जुइ । पंचायत कालय् जुजुयात पितिना छ्वय् फै धका: सुनां पत्या: या: धका: । उवले नं थ्व खँ असम्भव ताय्का च्वंगु ख: । तर सकल जनता मिलय् जूबले अ:पुक हे चिइका यँ, यल, ख्वप नापं किपूमित व स्वयंवलय् संभव खने मदुसां बुलुहुं सकल नेवा:तसें थूलिसे अपुया वई । आ भीथाय् जम्मा निगु जक नेवा: पार्टी दु । छगु नेपाल किसान मजदुर पार्टी मेगु नेपा: र

ाष्ट्रिय पार्टी । थ्व निगु जक दयां मगा: । पचहतर जिल्लाय् गन गन ख्वातुक्क नेवा: वस्ती दु अन अन संभव दुथाय् नेवा: उम्मेदवार चुनावय् थनेगु शुरु याना यंकेगु याय्माल । गुलिफु उलि नेवा: उम्मेदवार सभासद दय्केगु आवश्यक ख: । थ्व विषय देशभर नेवा:तय् दथुई बृहत नेवा: समिति दयके माला ।आ:यात थ:थ:गु पार्टी दुने नं काठमाडौं दुनेच्वंगु स्वंगु प्यंगु सहरय् च्वपिन्सं भी नेवा: उम्मेदवारयात हे टिकट विइमा: नत्र जिपिं माने जुइफै मखु धका: धाय्माल । यदि मानय् मजुल धा:सा नेवा:त सकसिनं चुनावय् भाग हे मकाय्गु ख्याच्व: विइमाली । सकसिनं छगुहे लैपु ज्वना वनधा:सा अवश्य सफल जुई ।

नेवा: स्वायत्त राज्य याय्गु ख:सा छगु पला: थुकथं तया: स्व:सा गय्जुई ? किपुली सर कारी स्वामित्व दुगु सरकारी कार्यालयत जस्तै किपू नगर विद्युत प्राधिकरण, फेक्ट थ्व फुक्कय् नं हाकिम जुया ज्या याइपिं किपूमित हे मा: । किपुली सक्षमपिं मनूत यक्को दय् धुंकल

छंगु लुमन्ति

छंगु लुमन्ति छल्ल स्वयहे मगानी हाकनं छल्ल स्वयहे मानी गुली खन उली लुमन्ति वल अयजुया हाकनं खंके मानी



अशोक सोकी

| | |
|------------------------------|---------------------------------|
| छ येया हे मिखाँ मिखाँयात् | नापलायगु स्वे मालिगु |
| ल्वापु याये माल | ल्वापुई तँ वसा मिखायागु ल्वापुई |
| माया वढे जुल | जिवनया लं पु गन सो गन सो |
| | दर्इवले द सो मदइवले फ सो |
| न्हाक्व हे ल्वासां अयसा मगा: | दतले कु: चा मदइवले विचा |
| ल्वाय मखनकी मन्य दु:घा | थ्व थे नातु जिवनै कु: चा |
| ल्वाय दर्इवले सवा: छता | |
| ल्वाय मदतकी च्युता छता | दर्इवले बय वा |
| | मदर्इवले बय फेय मा |
| न्हाक्व नाप लासा घौछी लिपा | दर्इवले छुँ म्वा मदइवले फुचा |
| वाया हे वनि मालिगु | सीई धुंका सुं म्वा सा |
| न्हाक्व हे बासां घौछि लिपा | म्वाना च्वंतले फुक्क मा |

थौनिसें निक्व:गु संजय सिंह स्मृति

कप बास्केटबल कासा न्ह्यात

नेपाली काँग्रेसया मदुम्ह पाँगा निवासी संजय सिंहया लुमन्तिइ थगुनेनिसें न्ह्या:गु स्व.संजय सिंह स्मृति कप बास्केटबल धेंधेंबल्ला कासा थौनिसें किपूया नयाँबजार बास्केटबल खेल मैदानय् न्ह्याइगु जूगु दु ।

चैत्र २१ गतेनिसें २७ गतेतक न्ह्याइगु उगु कासा लिग कम नकआउटया आधारय् जुइगु संयोजक ससिर महर्जन कनादीगु दु ।

थुगु कासाय् पुल ए लय् कीर्तिपुर टिम, प्राइम कलेज, नखिपोत टिम व टाइम्स कलेज याना: ४ गू टिम दुसा पुल वी लय् पाँगा फाउण्डेसन, गोल्डेन गेट इन्टरनेशनल कलेज, जेभिएर कलेज, नेपाल इन्जिनियरिंग कलेज व इन्टरनेशनल इन्स्टिच्यूत अफ म्यानेजमेन्ट स्कूल याना ५ गू टिम दु । चैत्र २६ गते शुक्रवार सेमिफाइनल जुइसा चैत्र २७ गते सनिवा: फाइनस कासा जुइगु ग्वसाखलकं जानकारी बियादीगु दु ।

धा:सा थ्व खँ असंभव मखु ।

यदि थ्व सामान्य खँ छगु हे भीसँ लागु याय् मफुसा नेवा: फुक्कं छवा:, नेपाल सम्बत राष्ट्रिय दिईत इनाप यानाच्वना । (नापं सम्बत धका: हालां जुयां छुयाय् ? थप विषय छक: निक:

व्यापक छलफल न्ह्याका स्वयगु ख:ला ? प्रतिक्रिया सहित भाजु मयजुपिन्सं थ:गु नुग: खँ बिया दिईत इनाप यानाच्वना । (नापं जिगु च्वसुई गनं दोगु द:सा क्षमा यानादिसं ।

पाठक प्रतिक्रियाया प्रतिक्रिया

रामभोला महर्जनजी, सालिक, पाँगा

जिं च्वयागु “नेवा: दल दय्का वनेनु” धैगु कविताया सिलसिलाय् छिं थ:गु प्रतिक्रिया नाप नापं थ:गु मनया खँ नं तयादिल । उकीनं जिं छित मुरी मुरी धन्यवाद मब्यूसे च्वने मफुत उकिं छित यक्व यक्व सुभाय् बियाच्वना ।

प्रतिक्रियाय् छिं धयादिल जित छिं ग्वाहालि बिई, मफुसा ब्विबईमखु । मजिउथाय् ब्व:बिउसां छुं मपा: । जिके सहयाय्गु शक्ति दु । अले जि थ:हे अस्वस्थ जुइका च्वनाम्ह जूगुलिं छित ग्वाहालि बिइगु इच्छा दया: नं सक्षम मजूगु कारण नं कनाच्वना । तर जिगु बौद्धिकतां जुसां फक्को ग्वाहालि यानाच्वने धैगु बिचा: प्वांका: च्वना । जि बूबलय् हे नेवा: जुया बूगु ख:सा आ: नेवा: जुया मच्वनेगु जुई हे मखु । थुकी छिं धन्दा कया: मदिइसां जिउ । छगू खँ भी नेवा:त यक्को हे लिउने लानाच्वन । भीपिं नं न्ह्योने वनेमाल । तर सत्ताय् मवंकं न्ह्योने लाके फैमखु । जित: लगय् जुल सत्ताय् वनेगु धैगु राजनीति मवंकं संभव हे मदु । अथेजुया नेवा: दल दय्का वनेनु धैगु ख: । धन्यवाद— सुभाय्

कवि राम महर्जन

नगां, किपू-१६

अन्तविश्वासय् लिकुनाच्चंगु विज्ञान



(नेवा:तय्सं न्हापानिसं थये याये मत्य: अथे याये मत्य: धका: धया वयाच्चंगु दु । थौं वया उकियात अन्धविश्वास धायेगु या: । याये मत्य: धयात:गुया थीथी कारणत दु । उगु कारणयात कुला स्वयेगु ज्या यात धा:सा अन दुने विज्ञान दु । उकिं पन्नारत्न महर्जनं अज्व:गु हे अन्धविश्वासय् लिकुनाच्चंगु विज्ञानयात कया सफू हे च्यादीगु दु । वय्कलं थीथी खंयात कया विज्ञानया मिखां स्वया च्यादीगु सफूपाखें ल्हाया थुगु छिगु नितिं न्हयव्याचवना । सं)

अबसं च्वना: धर्म लाइ

भी नयेगु नसा सन्तुलित मजुल कि उसाय् गडबडी जुइ । अप्: नसा नया: जीवय् यक्व ताग (क्यालोरी) दत धायेवं दा: खाना: उतुउतु जुइक ल्त्वना: सने हे मफय् य: ।

नसा नयेगु म्हो जुया: तागत (क्यालोरी) म्हो जुल धायेवं नं गसि जुया: सने फइमखु । निगुलिं भीत मज्यू । थ्वया हुनिं नसा नयेबलय् हे सन्तुलित याना: नयेमा: ।

नसा मनसे भी छन्हु हे च्वने फइमखु । नसां हे बल्लाका तइ । अथे ख:सा नं नसा नयेबलय् जिउयात बिचा: याना: नयेमा: । अथे याये मफुत धायेवं भीत मदयेकं मगा:गु नसा हे विष जू वने य: ।

भीगु जिउयात माक्वसिकं अप्: तागत दयाबल धायेवं वयात म्हो यायेमा: । थ्वया लागि नसा नयेगु म्हो बाय् छुं ईतक नसा मनसे च्वनेमा: । तर पित्यात कि मनसे च्वने फइमखु, न हे नइ । थुकिं अप्वाच्यंगु तागत म्हो जुइमखु । अले उसाय् स्यने भाय्प्व: भिनी मखु ।

थौकन्हय् अप्: धयाथें मनुतय् ल्त्वना: उतुउतु जुल धायेवं डाइटिङ्ग

धका: म्हो जक नयेगु याइ । मनिङ्गवाक धका: सुथ न्हापां चा:हिलेगु याइ । न्हापान्हापा थज्या:गु चलन मदु ।

सकलें ज्याय लगय् जुयाच्चनी । जिवय् तागत अप्: म्हो जूगु वास्ता दइच्चनी मखु । डाइटिङ्ग यायेगु ख्याल यानाच्चनी मखु । थज्या:गु खंयात बिचा: याना भी पुर्खापिसं धर्मयात हे जूसां आधार दयेका: अबसं च्वनेगु प्रावधान दयेकात:गु ख: ।

थ्वया लागि वा:पतिं, वा:छीछक:, लय् छक: व आकलभुकल कथंया अवसरत दयेकात:गु ख: ।

थुकी मध्ये थम्हं गुगुपती मानय् यायेफु उगु मानय् यायेत न्ह्याम्हसितं छुट दु । तागत मगा:पिं अबसं च्वनेबलय् धा:सा नातागत जुया: वेहोस नापं जुइय: । उकें अज्या:पिं अबसं च्वने मज्यू ।

आइसा चाये मज्यू

छयनय् पाचुक सँ खाये बलय् छपुईचा सँ ल्यंकेमा:गु भीगु सामाजिक परंपरा दु । थ्वयात आइसा धाइ । आइसा गबलें चाये मज्यू धयागु मान्यता दु । थ्व चा:म्हसित सामाजिक रुपं हिस्यायेगु या: । आइसा ल्यंकेबलय्

न्ह्याथाय् ल्यंकूसां ज्यू धयागु जुइमखु । थ्वया थाय् निर्धारण यानात:गु दु । थ्व चसुप्वालय् लाक ल्यंका मा: धयागु मान्यता दु ।

निपुचा जक बाय् त:कले नं ल्यंकी मखु । चसुप्वा: ग्यछिजक ल्यंकेगु याई । चसुप्वा: म्हया दकलय् क्यातुगु थाय् ख: । ह्याउँ मचातिनिबलय् थ्व थासय् ल्हुकु ल्हुकु मिनाच्चनी । उकिं थ्वयात ल्हुकुगा: बाय् ल्हुकुप्वा: धका: नं धायेगु या: ।

चिक बुकी बलय् थ्व थासय् चिकं तया: बुलुहुं नं पारापारा दाइ । थये यायां हे थ्व प्वा: जायेका: बल्लाकेगु याइ । थ्व प्वा: बमलातले छयँ छगलं क्यातुया च्वनी । मचाया छयँया बान्कि मिलय् मजू थें जूसा चिकं बुकुबुकुं बुलुहूँ मिलय् यायेगु थ्व हे बखतय् याइ । थ्वया लागि फुंगा तयेकेगु व मचायात थ्यनेगु नं गुखें यायेमा: उखे याइ ।

चसुप्वालय् चिकं तल धायेवं छयँ छगलं न्यना: उसाय् बांलाइ धयागु मान्यता व विश्वास दु । थ्वया लागि मचाबलय् जक यायेमा: धयागु मदु । त:धिक: जुइ धुंका: नं या: । घ्य:चाकु संल्हु व थज्यागु हे मेमेगु सामाजिक



पन्नारत्न महर्जन

सांस्कृतिक रितिरिवाज बलय् नं चसुप्वालय् मापिसं चिकं तयेका: पारापारा दाया: चिकं सुकेगु चलन दु । चसुप्वा: छयँया महत्वपूर्ण थ्व जुया: हे थये यायेगु चलन यानात:गु ख: ।

छयनय् बुयावइगु सं छयँया रक्षा यानातइ । छयनय् सँ मदयेक निभालय् जुइबलय् याकनं पुना वइ । पाचु छयँ यांना निभालय् च्वने फइ मखु । वा व:सां याकनं प्याइ । छयँया महत्वपूर्ण अंग चसुप्वालय् निभालं पुइगु थाय् वाफसं दाइ बलय् उसाय्यात नकारात्मक प्रभाव लाना: उसाय् स्यनेफु ।

आइसायात सुरक्षित यानातये मा: । थ्व सुरक्षित जूसा जक चसुप्वा:यात सुरक्षा यानातये फइ । उकें थ्वयात सार्वजनिकरुपं प्रदर्शन याना जुइमखु । थ्वयात त्वपुइ ज्वलं तपुलि पुनातयेगु याइ । शरिरया छगू महत्वपूर्ण अंगयात रक्षा याना तइगु जूगुलिं आइसा चाये मज्यू धयात:गु ख: ।



भिनिदंय् क्यनीगु लुमरि अजिमाया प्याखं

श्रीकृष्ण महर्जन

भिनिदंय् छक: क्यनीगु थीथी कथंया ख्वा:पा: प्याखंत मध्ये यँया गथु अर्थात मालीतय्सं थुगुसी लुमरि अजिमाया प्याखं क्यना वयाच्चंगु दु । वंगु मोहनीया चालनिसें सुरु जूगु थुगु प्याखं भलभल अस्टमी तक क्यनेगु याइ । किपूया गथु प्याखं नाप नं यक्व खँय् ज्व:ला:गु थुगु प्याखंयात नं गथु प्याखं धायेगु याना वयाच्चंगु दु । उकिं लुमरि अजिमाया ख्वा:पा: प्याखंयात न्हय व्वयाचवना ।

स्वनिगलय् नेवा: समाज दुनेया माली अर्थात गथुत व ज्यापुतय्सं अप्: ख्वा:पा: प्याखं क्यना वयाच्चंगु दु । पीगंघ: अर्थात पीठ नाप स्वाका: थीथी घ:या नामं क्यनीगु अज्व:गु ख्वा:पा: प्याखं धइगु मूल रुपं मल्लकालय् विकास जूगु प्याखंया रुपय् नालात:गु दु । तान्त्रिक घ: नाप स्वापू दुगु थुगु कथंया ख्वा:पा: प्याखं धइगु नेवा:तगु थ:गु हे पठ:यागु प्याखं ख: ।

ख्वा:पा: प्याखंत दक्ले अप्: मालीतय्सं हे क्यना वयाच्चंगु दु । मालाकार, वनमाली, वनमालानिसं गथु नं धायेगु याना वयाच्चं पिं मालीतय्सं विशेष याना दंय् दंय् क्यनीगु अले भिनिदंय् क्यनेगु प्याखं ल्हइका वयाच्चंगु अवस्था दु । यँया पचलि भैल: घ:या भिनिदंया प्याखं, यँया हे लुमरि अजिमा घ:या भिनिदंया प्याखं, किपूया भिनिदंय् क्यनीगु घ:प्याखं, थेच्वया घ: प्याखं व ख्वपया नवदुर्गा प्याखं माली अर्थात गथुतय्सं हे क्यना वयाच्चंगु प्याखं ख: । ग

थुतय्सं क्यना वयाच्चंगु भिनिदंया प्याखंत मध्ये नं यँया पचलि भैल: घ:या प्याखं व लुमरि अजिमा घ:या प्याखं धइगु विशेष महत्व दुगु प्याखं ख: । थुगु कथं गथुतय्सं क्यना वयाच्चंगु घ: प्याखं, ख्वा:पा: प्याखंयात गं प्याखं नं धायेगु याना वयाच्चंगु दु । गण प्याखंया अर्थय् गं प्याखं धा:गु ख: । गण धइगु अस्टमातुका, सिंधिनि, ब्यागिनी, भैरव व गणेश नापं याना

भिनिदंय् गच्छि घ: धाइगु ख: । अथे गच्छि घ:या प्याखं जूगुलिं हे गंयाखं धायगु ख: । थुगु निगू हे प्याखं भिनिदंय् क्यनीगु ख:सा राज्यसत्ता नाप नं स्वनाच्चंगु प्याखंया रुपय् नालात:गु दु ।

न्हापा न्हापा जूसा राजतन्त्र कालय् जुजुलिसे खड्ग तकं हिलेगु अले राज्य संचालनया नितिं छगू कथं न्हापा रुपय् लानात:गु प्याखंयात खड्गसिद्धि प्याखं नं धायेगु याना वयाच्चंगु दु । यँया थुगु निगू प्याखं मध्ये थनि प्यदं न्हय: पचलि भैल: घ:या प्याखं क्यंगु ख:सा थुगुसी लुमरि अजिमा प्याखं क्यनेगु नितिं तयारी सुरु जुइ धुंकागु दु ।

लुमरि अजिमा प्याखं भिनिदंय् छक: यँया माली अर्थात गथुतय्सं क्यना वयाच्चंगु प्याखं ख: । थुगु प्याखं क्यना वयाच्चं पिं गथुतय्गु मूल वस्ती धइगु यँया मरु व भुराख्य: लागायपिं ख: । लुमरि अजिमा घ:या प्याखंयात भद्रकालि प्याखं नं धायेगु याना



वयाच्चंगु दु । मल्लकालनिसें हे क्यना वयाच्चंगु प्याखं कथं नालात:गु लुमरि अजिमाया प्याखंया तयारीया भवलय् वंगु गथांमुग: नख:या न्हय:यागु एकादशी कामिका एकादशि नं धायेगु याना वयाच्चंगु उकुन्हु दक्ले न्हापां ग्वय्दां त:वनेगु या:गु दु ।

ग्वय्दां त: वनेगु धइगु प्याखंया नितिं निम्तो बिउ वनेगु ख: । न्हापा न्हापा जूसा जुजुयाथाय् वना ग्वय्दां त:वनीगु ख:सा आ: नेपा: गणतान्त्रिक मुलुक जुइ धुंकागुलिं यँया हनुमानध्वाखा लागाय् च्वंगु र

जखड्ग तयात:गु थासय् ग्वय्दां त:वनेगु या:गु ख: ।

उकुन्हु ग्वय्दां त:वनेगु धका: त:त:ग्व:गु भिग: ग्व:ग्वय्, वह:या न्याग: म्वो, सिन्दुर, स्वांमा, नैविद्य तया राज खड्गयात पुजा याना व:गु ख: । अथे ग्वय्दां तये धुसानिसें प्याखं क्यनेगु नितिं तयारी जुइगु ख: । अनं लिपा गथांमुग: कुन्हु भद्रकालि अर्थात लुमरि अजिमायाथाय् वना घ:पि: साला: हायेगु जया याइगु चलन दु । विशेष कथंया पुजा आज्ञा याना वना अन घ:का:वनेगु याइ । अथे घ: कया हये धुनेवं प्याखं स्यनेगु

सुरु याइगु ख: । प्याखं स्यनेगु धइगु गथुतय्गु दथुइ जक गोप्य कथं याइगु ख: । लुमरि अजिमया घ:छें वतुइ अथे प्याखं स्यनीगु ख: ।

लुमरि अजिमा प्याखंया घ:पिं थुगु प्याखन् मूल घ: कथं लुमरि अजिमायात नालात:गु दु । प्याखनय् गणेश, बम्हायणी, रुद्रायणी, कुमारी, नारायणी, वाराही, इन्द्रायणी, सिंधिनि, ब्यागिनि, भैरव व स्वेत भैरव प्याखं ल्हइगु ख: । अले प्याखं ल्हइ म्वा:गु तुँख्लय् तिया त:गु ख्वा:पा: नं दइ । कथंहं...

न्हापांगु उज्ज्वल अन्तर विद्यालय मिनि क्रिकेट कप व्वचाल



चैत्र २० गते किपुली शहीद हनेगु चलन दु। वहे शहिद दिवसया लसताय् थीथी कथंया ज्याभवः जुइ। वहे शहिद दिवसयात लुमकाः उज्ज्वल शिशु निकेतन एकेडेमिया ग्वसालाय् न्हापांगु उज्ज्वल मिनि टेनिस बल अन्तर स्कूल प्रतियोगिता-२०७२ चैत्र २० गते शनिवाः जूगु दु। उगु कासाय् एपिआई स्कूल, उज्ज्वल शिशु निकेतन, काठमाण्डौ मोडल कलेज, न्यू लिरा स्कूल याना प्यंगू पुचलं व्वति काःगु खः। लिग कम नक आउटया आधारय् भिस्वदंया व्वय्यापि विद्यार्थीपिन्त न ओभर म्हितकूगु खः।

उज्ज्वल स्कूलया प्रिन्सिपल दिलमान महर्जन रंफ्रि राहुल मानन्धरयात बल लःल्हासं व्वतिकाःपि सकल टिमयात लसकुस याना कासा न्ह्याकूगु खः। न्हापांगु कासा उज्ज्वल स्कूल व केएमसी स्कूलया दथुइ जूगु कासाय् उज्ज्वल स्कूल त्यात, निगूगु कासा अपि व न्युलिराया दथुइ जूगु खःसा अपि स्कूलं त्याकल, अथे हे स्वंगूगु कासा उज्ज्वल व अपिया दथुइ जूगुली उज्ज्वलं त्याकेत ताःलात। प्यंगूगु कासा केएमसी व न्यू लिराया दथुइ जूगु खः। उगु कासाय् न्युलिरा स्कूलं त्याकेत ताःलात। उज्ज्वल स्कूलं दकलय् लिपांगु कासा न्युलिरानाप म्हितूगु खः। उकी न उज्ज्वल स्कूल हे त्याकेत ताःलात। गुकिं याना उज्ज्वल स्कूल फाइनलय् थ्यंगु खः। अथे हे केएमसी व अपि स्कूलया दथुइ जूगु अन्तिम कासाय् अपि स्कूलं त्याका फाइनलय् वंगु खः।



वहे दिनय् अपि स्कूल व उज्ज्वल स्कूलया दथुइ फाइनल कासा जूगु खः। उज्ज्वल स्कूलं न ओभरय् १३१ रन दयेकूगु खः। वयां लिपा ब्याटिङ्गय् वःम्ह अपि स्कूलं ४२ रन जक दयेका अल आउट जुसेलि आयोजक उज्ज्वल स्कूल न रनं त्याःगु खः।

फाइनल कासा लिपा छगू समारोहया दथुइ मूपाहां प्रा. डा. शिवशरण महर्जन, व प्रिन्सिपल दिलमान महर्जन विजयिता, उपविजयिता व सहभागी टिमपिन्त दसिपौ, मेडल व ट्रफि लःल्हानादीगु खः।

उगु कासाय् उज्ज्वल शिशु निकेतनया आदित्य थापा म्यान अफ द सिरिज व म्यान अफ द फाइनल, वेष्ट बलर उज्ज्वलया हे दुर्लभ पौडेल व वेष्ट ब्याटम्यान समिर केसी घोषित जूगु खः। वास्तवय् थुजःगु कासां चिकिचाकूगु थासय् न कासा म्हितका खेलाडीपिन्त स्कूलनिसें हे विकास यायेफुसा भविष्य अझ उमिसं थःगु खेलया स्तर अप्वय्के फैं।

२०४६ सालया जन आन्दोलनय् शहादत जूपिं प्यम्ह सहितपिं राजेन्द्र महर्जन, राजमान माली, हिराकाजी महर्जन व लनवहादुर महर्जनपिन्त शहीदपिन्त श्रद्धाञ्जली देछायगु कथं थ्व प्रतियोगिता याःगु खः। थ्व थुगुसी छकः जक जुइगु खःला वा लिपा लिपा तक न न्ह्यानाचवनीगु खःला ? लिपा लिपा तक न न्ह्याका यनेफुसा बांलाइगु तायेका।


कीर्तिपुर नगरपालिका कार्यालयका देवढोका, कीर्तिपुर उपभोक्ताहरुलाई योजना सम्झौता गर्न आउने सम्बन्धी अत्यन्त जरूरी सूचना

यस कीर्तिपुर नगरपालिकाको चालु आ.व. ०७२/०७३ मा स्वीकृत योजना तथा कार्यक्रमहरु उपभोक्ता समिति मार्फत कार्यान्वयन गर्न हाल सम्म उपभोक्ता समिति गठन हुन बाँकी योजना संचालनका लागि तत्काल उपभोक्ता समिति गठन गरी २०७२ चैत्र मसान्त भित्र सम्झौता गर्न आउनु हुन जानकारी गराइन्छ। यो सूचना २०७२ चैत्र मसान्त भित्र पनि उपभोक्ता समिति गठन गरी सम्पर्क राख्न नआउने योजना कार्यान्वयन गर्न नगरपालिका बाध्य नहुने कुरा समेत यसै सूचना मार्फत जानकारी गरिन्छ।



कीर्तिपुर नगरपालिका कार्यालय
देवढोका कीर्तिपुर

बैशाख ११ गते किपुलिइ जुइगु निक्वःगु नेवाः पत्रकार राष्ट्रिय दबूया तःमुँज्या तःजिक व्वचायेकेनु



निक्वःगु तःमुँज्या

झःझः घायेक हने

ने.सं. ११३६ चोलागा पारु

(०७३ बैशाख ११) गते शनिवाः

देय्पुन्यंकंया नेवाः पत्रकारतय्त
किपुलिइ तःजिक लसकुस यायेनु